

清會典

漢書門

|   |   |   |   |     |
|---|---|---|---|-----|
| 二 | 一 | 三 | 二 | 漢書門 |
| 〇 | 三 | 七 | 五 | 類   |
| 冊 | 架 | 函 | 號 |     |

|   |   |   |
|---|---|---|
| 五 | 二 | 漢 |
| 函 | 〇 | 書 |
| 架 | 冊 | 類 |

|    |     |       |
|----|-----|-------|
| 番號 | 漢   | 2435  |
| 冊數 | 20  | ( 6 ) |
| 函號 | 295 | 5     |

三十一六





欽定大清會典卷之三十一

禮部

儀制清吏司

貢舉

淺草文庫

凡貢舉之法。太學及直省府州縣學諸生。三年  
賓興。試於順天府。各布政使司曰鄉試。取其中  
式者。貢於部。合天下貢士。大比之曰會試。取其  
中式者。以

聞。

皇帝親策試於

大正...

卷三十一

禮部



太和殿丹墀曰

殿試。

凡試有定期。歲在子卯午酉以八月鄉試。丑辰未戌以三月會試。均於九日。十有二日。十有五。日。鎖闈三試之。會試及大省鄉試。揭曉以廼月十有五。日。中省先五日。小省再先五日。為率。殿試以四月二十六日傳臚。以五月一日。

凡試以文藝。鄉會試均。場書藝三論一。第

二場經藝。四。五言八韻詩一。第三場時務策一。

殿試。

御製策問。令貢士條對。經書文取雅正。詩取清華。策

對取切實。敷陳。浮文妨要。及詭異雷同者。皆不

錄。

凡考官。鄉試正副各一人。由部列侍郎以下。編

檢中。贊科。道。中書評事。博士以上。官。會試正副

各二人。開用正一人。副二人。或正一人。副一人。均。族。欽命。列大學士

學士。尚書。左都御史。侍郎。左副都御史。

殿試讀卷官。十有四人。列大學士。學士。九卿。詹事

各疏請

簡用。



凡同考官鄉試順天十有八人由部列員外郎  
以下詳博以上官會試十有八人列翰詹給事  
中部曹各疏請

簡用各省鄉試江南十有八人浙江十有六人江西  
十有四人山東河南各十有二人福建十有一  
人湖北陝西廣東廣西各十人山西湖南各九  
人雲南貴州各八人由監臨官於所屬府同知  
通判知州縣內選擇入闈

凡慎選考官除三品以上簡自  
宸衷外吏部咨取四品以下由進士出身官恭族

御試按

欽定名次引

見仍開列具疏候

旨簡用

凡經理試事鄉試順天監臨以府尹提調以府  
丞內外監試以御史各省監臨以巡撫提調監  
試以道員內監試亦以道員或府佐會試知貢  
舉以本部侍郎提調以儀制司官

殿試提調以本部尚書侍郎監試均以御史

凡執事鄉試會試受卷瀾封謄錄對讀四所暨



收掌試卷均以主事等官各省鄉試受卷彌封  
謄錄對讀收掌以知縣對讀以歲考降青生謄  
錄以州縣掾吏

殿試受卷彌封收掌以翰林給事中內閣侍讀中  
書本部儀制司官供給官鄉試以府倅會試以  
本部精膳司官率京縣丞史

殿試以光祿寺官

凡送試鄉試由學政錄取科舉每中式一名大  
省準錄科八十名中省六十名小省五十名副  
榜一名準錄科二十名國子監錄取貢監生分

南北中卷數亦如之京學教習各館謄錄生部  
院筆帖式欽天監天文生貢監生由國子監生  
員由順天學政錄科考取然後冊送鄉試會試  
山本省布政使司各呈送部直隸限豫年十二  
月山東河南山西陝西十一月江南江西浙江  
湖廣十月福建四川廣東廣西雲南貴州九月  
各如期起送司府稽遲限由部覈叅舉人用  
中書評事博士太學師儒筆帖式者由該管衙  
門直省教官山布政使司各給文送部貢監生  
初於京闈中式不及回籍起文者取具同鄉官



印結呈明均準應試。

凡試規會試及順天鄉試書義三題詩題皆由  
欽命試前一日本部侍郎順天府尹恭領詣貢院交  
知貢舉提調送入內簾經義策論各省鄉試四  
子書題詩題皆正副考官公定校刻題紙是日  
應試者由貢院東西門魚貫序進聽唱名搜檢  
入大門給卷各歸號舍試日五鼓內簾出題紙  
知貢舉監臨提調監試視執事官分送號舍及  
早晚給飲食毋有不周試畢隨其交卷次第給  
籤驗出三試皆同

殿試前一日讀卷官恭領

制策扁內閣門刊版揭黃畢翼日所司設案於

太和殿左楹之南又設案於丹陛正中設諸貢士

試案於東西丹墀內閣官奉

制策入

殿陳於東案讀卷暨執事官入丹墀左西面序立

諸貢士集

午門外聽本部唱名給卷鑿儀校代執考具鴻臚

官引由左右掖門入

昭德。



貞度門至丹墀東西班末序立均東西面大學士一人入

殿左門奉

制策出中門授禮部尚書尚書跪接興陳於丹陛案北面跪三叩興儀制司官舉案降自中階陳於御道正中讀卷暨諸執事官就拜位聽贊行三跪九叩禮復位立諸貢士就拜位三跪九叩畢仍北面立本部儀制司官奉


制策分授諸貢士諸貢士跪受三叩興各就試案讀卷官出於內閣諸貢士對策畢樂儀校引出

長安門各退

凡試卷鄉會試由提調鈴考舍坐號授應試者每場試竣受卷所檢墨卷違式者揭於院壁以合式者移彌封所糊名坐號改鈴內號皆簿記之謄錄所易書以朱對讀所取墨卷校讐調脫改注以紫收掌官鈴內號於朱卷既畢監試以朱卷送內簾交內監試收入

殿試受卷官稽卷數彌封官糊名不易書收掌官齎卷及監試御史送內閣交讀卷官校閱

凡閱卷鄉會試由內收掌分經送各同考官閱





欽定大清會典事例 卷之三十一  
以藍筆擇三試全佳者爲首薦其第一場文義  
致佳二三場無疵第一場文義無疵二三場致  
佳者爲次薦考官閱以墨筆旣入選副考官書  
取正考官書中不入選者批摘瑕疵仍取各經  
房落卷通校有佳卷未薦者特拔之迺書取中  
名次於卷端以待揭曉  
殿試收掌官以卷送讀卷官分閱公定前列十卷  
進呈  
御覽  
皇帝御便殿

召讀卷官入記注官隨入侍班

賜讀卷官坐各就位一叩坐

皇帝親定甲乙

命大學士一人秉筆書一甲三名至二甲七名於卷

端旣畢奉卷出至內閣扁門折卷書榜以待傳

臚

凡出榜鄉會試由考官錄日豫行知貢舉監臨

屆期內簾啓門及外簾各官會於一堂出中式

朱卷對內號坐號檢校墨卷無謬迺按名書榜

畢各官朝服望



闕行三跪九叩禮。鄉試於順天府及各布政使司署前。會試於本部署前。懸榜三日。

殿試讀卷畢。以

欽定前十名。合二三甲進士名次。書黃榜。進

御覽。翼日。所司設案於

太和殿內。及丹陛。如策士儀。內閣官奉黃榜入

殿。陳於案。鑿儀衛備黃蓋雲盤於

殿階下。設龍亭於

午門外。鴻臚官六人。立於丹陛東階。每階二人。皆

西面鑿儀衛陳法。駕鹵簿。樂部和聲署陳樂懸。

皇帝禮服御殿。王公百官朝服侍班。如常朝儀。諸貢

士於丹墀東西班末。北面序立。讀卷暨執事官

出班就拜位。聽贊。行三跪九叩禮。大學士奉黃

榜出授禮部尚書。尚書跪接。與陳於丹陛案北

面跪。三叩興。退立於左。鳴贊。贊有

制。諸貢士跪。宣制官奉

制。至丹陛南。西面立。宣訖。迺唱第一甲第一名。暨二

名。三名。皆傳唱者。三鴻臚官引出班。至

御道東西。各以次跪。又傳唱二甲一名。三甲一名。

某某等若干名。不出班。均聽贊。行三跪九叩禮。



贊舉榜禮部尚書詣案跪奉榜與降自中階。

駕輿還宮儀制司官以雲盤承榜導以黃蓋禮部堂

司官降一甲進士隨榜出

太和門中門諸進士東班由

昭德門西班由

貞度門出至

午門外陳榜於龍亭和聲署樂作御仗前導出

長安左門懸榜三日

凡中額鄉試順天八旗滿洲蒙古漢軍直隸諸生及直省貢監生肄業太學者皆分編字號取

中。共二百十有五名。川廣雲貴貢監生每二十

卷中一名。無定額。山東六十九名。山西六十名。

河南七十一名。江蘇七十六名。安徽四十五名。

江西浙江皆九十四名。福建八十五名。湖北四

十八名。湖南四十五名。陝西六十一名。四川六

十名。廣東七十二名。廣西四十五名。雲南五十

五名。貴州四十名。副榜視正榜取五之一。以為

額。會試。俟三試既畢之後。知貢舉分列直省貢

士卷數疏請



殿試一甲三名。

賜進士及第。二甲三甲無定數。二甲

賜進士出身。三甲

賜同進士出身。各有差。

凡官生卷。京堂五品以上。及翰詹科道。外官文  
三品武官三品以上之子。若孫。同胞兄弟。及兄  
弟之子。鄉試準作官生卷。順天鄉試。滿洲蒙古  
漢軍官卷。以十名取中一名。南北貢監生官卷。  
以十五名取中一名。直隸江南江西福建浙江  
湖廣官卷。以二十名取中一名。山東山西河南

陝西四川廣東官卷。以十五名取中一名。廣西  
雲南貴州官卷。以十名取中一名。如官卷不滿  
十者。入民卷通校。文不充數者。以民卷補中。  
凡迴避會試及順天鄉試考官。同考官。知貢舉  
提調監試及外簾執事官之子弟宗族。有服嫗  
姪。皆令迴避。不得與試。

凡磨勘鄉試。以取中朱墨卷解部。由部奏請。以  
京堂三品以下。翰詹六品以上官。暨給事中。御  
史集

天安門朝房。各分卷磨勘。會試出榜後。由部請



旨簡員。庶勘有違式干禁者。皆論如法。

凡

賜燕鄉會試。

賜考官知貢舉。監臨提調。監試同考。執事各官。燕鄉

試初入闈。順天燕於府署。各省燕於布政使司。

會試入闈。出闈均燕於禮部。及鄉試揭曉。

賜考官以下。至中式諸生。燕曰鹿鳴燕。

殿試傳臚。

賜一甲進士三人。燕於順天府。府尹暨丞。送歸第。翼

賜讀卷官以下。至諸進士。燕於禮部。

命內大臣一人。主席曰恩榮燕。與燕者皆

禮

儀見精膳司。

凡

賞賚諸生中式各

賜冠服。及白金二十兩。會試給公車費。既成進士。

賜白金三十兩。一甲三名。外加五十兩。第一名朝冠

朝衣。二名以下。表裏各一端。

凡科場條例。據屢科沿革。及見行事宜。纂輯成

編。每三年續編。頒發直省遵行。







詹科道部曹

盛京以奉天府丞福建臺灣府廣東瓊州府以巡道兼之提調以知府同知直隸州分教以教授學正教諭訓導等官。

凡學政考校初視事按各府直隸州遠近定期歲試及期按臨校閱文武生童藝業既竣事定期科試專校文生童文藝三年皆徧疏報任滿俟新學政抵任還朝復

命。

凡學政關防巡試所至以府首領州縣佐雜官

充巡捕地方有司視沿途供備次舍提調官親視考院門垣塗徑務絕窺探交通之跡既至親視椽吏承皂及承直水火灑掃夫役封入內署其臨考執事及司門傳事官吏由提調官選委各居外舍禁絕往來每日啟門收發文書進納薪水皆巡捕官檢察無弊廼許出入如門以內潛通關節責之學政門以外招搖傳遞責之提調官互相徇隱者同論。

凡教職考覈初選時滿教官由部試文藝錄取者引



見序用直省府州縣學教官由督撫考試列等第以別用舍學政巡試所至考其文章師範不稱職者黜願應鄉會試者由布政使司申送。

凡童生入學滿洲蒙古漢軍由本旗佐領考錄順天府太宛二縣由知縣考錄均冊送府丞直省由州縣考錄冊送知府同知直隸州均以其錄取者冊送學政歲科考擇其秀者入學曰附學生員其每考入學之數

京師滿洲蒙古共六十人漢軍半之。盛京滿洲蒙古共廿有一人漢軍八人直隸順天

寺太興宛平二縣學均二十五人各府學三十三人。大州縣視府學其次州縣大學十有八人中學十有五人小學十人。江南浙江府學均二十五人。大州縣視府學其次州縣大學十有五人。中學十有二人小學八人。初建之府州縣視人文以定太中小學不足小學之數者虛其額以待人文之盛若大縣分爲二縣者中分入學原數或較人文之多寡以爲差。





凡諸生考課入學生員各治一經。本學教官。月有課。季有考。別有等差。開報學政。歲科考取其最優者。食餼於官。曰廩膳生員。其數。

京師滿洲蒙古共六十人。漢軍半之。

盛京滿洲蒙古共六人。漢軍三人。直省府學四十人。州學三十人。縣學二十人。衛學十人。次優者別於附學。曰增廣生員。如廩膳生員之數。若府州縣初建。及大縣分爲二縣者。分設廩增之法。與附學生員同。凡貢士成均。選拔貢生。每十二年一舉。由國子

監疏請得

旨下部行直省學政。於科考後。合兩試優等生員。考擇文行兼優者。

京師滿洲蒙古。每旗選拔二人。漢軍每旗選拔一人。

盛京滿洲蒙古共二人。漢軍一人。直省府學二人。州縣學各一人。八旗。

欽命大臣

盛京會奉天府尹。直省會督撫。覆試文藝。兼擇才品。疏請貢入成均。才不充選者。寧闕毋濫。既赴



部奏請

廷試考列一二等者簡選引

見候

旨錄用皆

欽命大臣洫其事考列三等及簡選所遺者送國子

監肄業文理有疵者發回本籍讀書三年再送

廷試荒謬者黜革原選拔各官論如律其有赴部

後期者學政以事由咨報部會國子監補考一

二三等均送監肄業餘與

廷試同○副貢生以順天及各省鄉試取中副榜

升入太學準作貢生與選拔貢生同○歲貢六

以各學廩膳生員食餼年久者依序貢入成均

京師滿洲蒙古歲貢二人漢軍歲貢一人

盛京滿洲蒙古三歲一人漢軍五歲一人直省府

學歲貢一人州學三歲二人縣學二歲一人若

府州縣新建及分設者或府視州州視縣或兩

縣更年迭貢或四歲五歲貢一人均因地定制

○恩貢生遇

國家

單恩以本歲正貢作為恩貢與選拔及副貢同以需



次待貢之生。作為歲貢。如州縣學。不值貢期。俟應貢之年補行。○優貢。優監生。學政歲科試。竣於所報優生中。擇其尤者。送部考試。廩增。準作貢生。附學。及武生。準作監生。○功貢生。諸生有從軍者。以功升諸太學。準作貢生。與優貢生。均視歲貢。○廕監生。及納粟。準貢。準監。各在籍者。歸本學。教官約束。賓興之歲。與生員同科考。由學政錄取。迺回送鄉試。

凡考試藝業。童生試書藝二。覆試減書藝一。加論。論題。孝經。小學。開出。有能習。

御纂經義者。策對不失旨。視正考卷無疵。即準招覆諸生歲試。書藝二。經藝一。冬日。減書藝一。科試書藝。經藝。時務策各一。冬日。減經藝。仍補詞御纂經義。必條對明晰。考案始居前列。優生始貢。成均。選拔分試二日。首日。書藝二。經解一。次日。策一。五言八韻詩一。

廷試書藝一。詩一。歲貢試書藝。經藝。詩。

凡釐正文體。制義代聖賢語言理解。務取清駁。格律必歸雅正。有尚詭異。矜浮華者。黜之。學政歲科試竣。取各學生員前列十卷。兩次送部。以



待磨勘

凡頒行書籍

御纂經解性理詩古文辭及校訂十三經二十二史

三通等書皆

頒行直省儒學並許書賈鑄版流傳若非聖之書一

家之言不立於學宮者士子不得傳習淫辭小

說坊肆不得刊行民間不得畱藏學政巡試所

屬嚴飭地方官禁止

凡考場規條滿洲蒙古漢軍先試騎射合式迺

準應歲科試提調官按應試人數豫刊坐號戳

記投學署先試一日提調官編號於試卷尾彌

封鈐印簿記之卷面加浮籤書生童姓名試日

彙卷納場內學政豫於東西文場適中之地設

公座左右各設長案分置坐號戳記令教官數

人立案側昧爽生童集大門外提調官視外搜

檢唱名隸執照入牌序進候內搜檢畢聽唱名

領卷單名嚮東案雙名嚮西案教官各取坐號

鈐卷面生童各就考案依號列坐既畢廼封門

命試題場四隅置役瞭望以防鄰號交通作弊

者及生童試藝完自揭卷面浮籤交卷領照出



牌積三十人。一啟門序出日落時出盡不繼燭  
有懷挾文字倩代作文及場內移號換卷者皆  
論如法童生以所知廩生一人具保結臨試偕  
至識別有冒籍冒姓匿喪倩替及出身卑賤者  
罪之廩保同坐翼日出考取字號示期覆試覆  
定書等第名次於原卷發提調官啟封對號書  
名出案學政集諸生給閱原卷批評獎優斥劣  
勸懲各有差

凡衡文黜陟歲考一等增附青社均補廩無廩  
闕附青社先補增無增闕青社先復附其丁憂  
起復緣事辨復之候廩及因考停廩各生準復  
廩均依名次序補二等增補廩附青社補增無  
增闕青社先復附停廩降增者復廩增降附者  
復增三等無黜陟候廩候增者復廩增均與考  
列一二等之增附新舊開補停廩者收復候廩  
增降附者收復候增青衣發社者復附四等廩  
停食餼限六月送考原停廩者俟下次歲考均  
憑文定奪增附青社朴責示懲五等廩停作闕  
原停廩者降增增降附附降青衣青衣發社原  
發社者黜為民六等廩十年以上發社六年及



增十年以上發本籍充吏不願者聽入學未及六年者發社餘皆黜為民科考列一二等者冊送賓興三等候考遺才錄取者冊送不取者不準鄉試其補復廩增與歲考同

凡勸懲優劣學政歲考所至行令提調州縣教職等官各舉諸生優劣開具事蹟封送學政體訪確實隨場咨部至三年任滿彙疏以

聞由部覆覈優生行誼最著者升入太學其次量予獎賞劣生悔悟自艾者以改過注冊怙終者除名

凡優卹諸生初入學免本身徭役入學三十歲及未至三十年齒已七十者免歲科試以生員冠帶終其身遊學遠方隨祖父任所赴試不及者臨試而病者均給假限期補考父母服及承祖父母重三年免試本生父母服期免試期免試者廩增不作闕貧不自存者發學田租周之犯事情輕後自悔改者既革許開復經定罪者許以原名應童子試所坐微細地方有司具詳學政會教官戒飭不得同齊民鞭撻凡廣勵學業





京師立宗室學。覺羅學。咸安宮學。景山學。八旗義學。設滿漢教習。以進士舉人。恩拔副貢生充之。滿教習兼用翻譯生員。及因公罪誤之廢官。通翻譯者均由部請。旨。考試補授宗室等學。以京掌翰詹義學。以禮部司官稽察課程。三年期滿。分別等差。引見叙用。直省會城立書院。府州縣立義學。社學。選擇生徒肄業其中。聘薦紳宿儒學問淹貫者爲之師。束脩膏火之費官爲供備。以宏樂育。凡執事奉祠。直省府州縣慶賀三大節及遇

頒詔行禮。春秋釋奠於

先師。設通贊二人。引贊二人。以生員嫻於禮儀者充之。山東

闕里。設樂舞生百五十四人。各省府州縣學各四十人。選本地俊秀子弟充之。先賢先儒建有專祠者。每代擇適裔一人。由督撫學政咨部。給執照充奉祠生。

凡學政全書三年一修。頒發直省督撫學政分行府州縣學。以示遵循。

風教



凡崇祀名宦鄉賢之禮直省司牧之官有功斯民遺愛難泯者薦紳處士積學力行垂範鄉里者由學校師生公舉以達州縣州縣以達督撫學政歲於八月具疏部加覆覈歲終彙疏以聞列祀名宦鄉賢二祠

凡旌表節孝之禮宗室覺羅由宗人府覈奏部覆題旌宗室以孝著者諸王以下至閑散宗室公主福晉以下至閑散宗室之妻若女均降勅褒獎

賜銀幣有差若以女守貞及閑散宗室之妻守節者

如之覺羅節孝

賜建坊銀加幣一夫亡殉節者請

旨賜羊酒楮帛內閣撰文遣官致祭八旗由佐領報

部統直省由州縣報督撫學政均詳具實蹟造冊送部覈定歲終彙疏以

聞孝子崇祀忠義孝弟祠其節婦自年三十至五十

或年逾四十而歿守節已閱十五年以上者

賜清標形管四字以表其剛仍於節孝祠內彙姓氏

勒諸貞珉其有奇節苦行者各

賜銀三十兩建坊里門春秋祭於祠內孝女與孝子



同。貞女烈婦與節婦同。

凡旌表義行之禮。民有屢世同居和睦無間者。建坊里門。題名忠義孝弟祠。若出粟以周族黨。振貧乏。捐財以治橋梁。修道路。均由有司旌其間。為數多者。奏請敘錄。

凡優老之禮。百歲老民。

賜銀三十兩。建坊里門。題以昇平人瑞四字。老婦旌以貞壽

之逾百歲者加

賞銀十兩。內府幣一百。有十歲者倍之。百二十歲以

二者請

旨加賞不拘成例。

凡慈幼之禮。直省各設育嬰堂。收養幼孤之無歸者。又民有一產三男者。給米五石。布十疋。

凡掩骼埋胔之禮。八旗及內府佐領各給塋地。

直省州縣建義塚。有貧不能葬及無主暴骨。皆

收埋之。民有收瘞遺骸年久不怠者。有司旌表

其閭。

鄉飲酒禮。

凡鄉飲酒之禮。歲以孟春望日。孟冬朔日。舉行於順天府。豫期。由大興宛平縣令各舉耆年。



致仕德望懋著者一人為賓次介次三賓次眾賓均以齒德兼優者為之屆期以本部漢堂官一人監禮府尹為主人教授一人為司正贊禮執事以府縣學生員先一日設坐次於庠之講堂設律令案於堂東司正官率執事諸生習儀樂部和聲署設樂於西階下至日質明主人偕僚屬執事生均詣學迺速賓介既至考鐘伐鼓主人出迎於庠門之外賓介東面主人西面主人揖賓介入眾賓從入三揖至於階三讓迺升主人東階上北面再拜賓介西階上北面答再

拜主人揖賓介就位三賓眾賓咸就坐賓席西北南嚮介西南東嚮主人東南西嚮三賓眾賓在賓席之西東嚮坐定贊者贊司正揚觶以下均唱司正由西階升詣堂中北面立賓主以下皆立司正揖眾皆揖司酌酒於觶授司正司正揚觶而語曰恭惟朝廷率由舊章敦崇禮教舉行鄉飲非為飲食凡我長幼各相勸勉為臣盡忠為子盡孝長幼有序兄友弟恭內睦宗族外和鄉里無或廢墜以忝所生迺畢飲以觶授司爵揖賓主以下皆揖司



正退衆皆坐。執事者舉律令案於堂中。讀律令者詣案北面立。賓主以下皆立。揖如前。讀畢退。主人起獻賓。席前北向立。司爵酌酒授主人。主人受爵。詣賓位。司饌舉饌案於賓前。主人奠爵於席。降。再拜。賓答再拜。退復位。賓起。酢主人。席前東而立。司爵酌酒授賓。賓受爵。詣主人位。饌案從。賓奠爵於席。再拜。主人答再拜。賓復位。主人起。獻介。介酢主人。均如前儀。司爵酌酒。獻三賓。衆賓。偏工升鼓瑟。歌鹿鳴。賓主以下酒三行。司饌供羹。笙磬作。奏南陔。閒歌魚麗。笙由庚。司

爵以次酌酒。司饌供羹者三。迺合樂。歌關雎。工告樂備。執事者徹饌案。賓主以下皆起。主人就東階。賓介就西階。均再拜。賓介降階出。主人送於門外。如初迎儀。○直省舉行鄉飲酒禮。府以知府州以知州。縣以知縣爲主席。餘儀與順天府同。



鄉飲酒禮圖

三僎

祭屬

二僎

東階

一僎

正位

祭

西

大賓

南

一賓

西階

二賓

三賓

祭

欽定大清會典卷之三十三

禮部

儀制清吏司

儀衛

凡儀衛親王紅羅繡五龍曲柄繖一紅羅繡四

季花繖二紅羅銷金瑞草繖二紅羅繡四季花

扇二青羅繡孔雀扇二立瓜臥瓜骨朶吾仗各

四大纛二條纛二旗槍十各依木豹尾槍四儀

刀四馬六匹世子紅羅繡四龍曲柄繖一紅羅

銷金瑞草繖二紅羅繖一紅羅繡四季花扇二



青羅繡孔雀扇二。立瓜。吾仗各四。卧瓜。骨朶各  
二。大纛一。條纛一。旗槍八。豹尾槍二。儀刀二。馬  
六匹。郡王。紅羅繡四龍曲柄徽一。紅羅銷金瑞  
草徽二。紅羅繡四季花扇二。青羅繡孔雀扇二。  
立瓜。吾仗各四。卧瓜。骨朶各二。條纛二。旗槍八。  
豹尾槍二。儀刀二。馬六匹。以上執事人。轎夫。用  
繡團獅綠段衣。親王以下。入八分公以上。轎夫  
執事人。均黑氊帽。緞絨纓。上安銅管。插紅翎。繫  
紅布帶。長子。負勒。紅羅銷金瑞草徽二。紅羅繡  
四季花扇二。立瓜。卧瓜。骨朶。吾仗各二。條纛一。

旗槍六。馬四匹。貝子。紅羅銷金瑞草徽一。紅羅  
繡四季花扇二。立瓜。骨朶。吾仗各二。條纛一。旗  
槍六。鎮國公。紅羅銷金瑞草徽一。青羅繡孔雀  
扇一。骨朶。吾仗各二。旗槍六。輔國公。與鎮國公  
同。以上執事人。轎夫。用素綠段衣。鎮國將軍。杏  
黃繖一。旗槍六。輔國將軍。同。奉國將軍。旗槍四。  
鎮國將軍以下。至宗室。轎夫。執事人。均黑氊帽。  
上安裏錫木頂。插綠翎。用青布衣。繫綠鑲紅布  
帶。遇元日。

萬壽聖節。冬至朝賀之期。各儀衛全設。常日在。



京師親王。用曲柄繖一。紅羅繖扇各二。立瓜。臥瓜。骨朶。吾仗。全馬四匹。引導十人。世子。減曲柄繖。及引導二人。餘視親王。郡王。馬二匹。餘視世子。貝勒。繖一。立瓜。臥瓜。骨朶。吾仗。全。引導六人。貝子。用立瓜。骨朶。吾仗。引導四人。鎮國公。用骨朶。吾仗。引導二人。輔國公。同。鎮國將軍。用前引二人。後從六人。輔國將軍。前引一人。後從四人。奉國將軍。後從同。若因事出京。王以下。均全設。如儀。○固倫公主。紅羅曲柄繖。寶相花繖一。紅羅繖寶相花繖二。青羅繖寶相花扇二。紅羅繖孔。

雀扇二。黑纛二。立瓜。臥瓜。骨朶。吾仗。各二。引導十人。和碩公主。減寶相花扇。及引導二人。餘視固倫公主。郡主。減曲柄繖。臥瓜。引導二人。餘視和碩公主。以上執事人。衣帽。與親王同。縣主。寶相花繖一。寶相花扇二。立瓜。吾仗。各二。引導二人。以上執事人。衣帽。與貝勒同。親王。福晉。視固倫公主。世子。福晉。視和碩公主。郡王。福晉。視郡主。貝勒夫人。視縣主。遇朝賀日。固倫公主。許隨入侍女五人。親王。福晉。和碩公主。世子。福晉。四人。郡主。郡王。福晉。縣主。三人。郡君。貝勒夫人。二。



人縣君貝子夫人鄉君公夫人各一人。○固倫  
公主額駙紅纓一。豹尾槍二。旗十。紅仗二。執事  
人青帽銀頂插紅翎青衣紅帶和碩公主額駙  
杏黃纓二。旗十。紅棍四。大小扇二。各飾方金四。  
執事人紅帽銅頂插綠翎青衣紅帶郡主額駙  
杏黃纓一。旗十。紅棍四。扇二。各飾方金三。縣主  
額駙杏黃纓一。旗六。郡君額駙旗如之。縣君額  
駙旗四。鄉君額駙旗二。公視和碩公主額駙侯  
金黃棍四。餘視郡主額駙其有加級者棍得用  
紅。伯扇二。各飾圓金一。餘視侯子纓一。旗八。棍

二。扇二。各飾圓金四。男旗六。扇二。各飾圓金三。  
餘視子。京官一品視子。二品視男。三品扇二。各  
飾圓金二。餘視二品。四品旗四。扇二。各灑以金。  
餘官均用素扇一。宗室覺羅之有職者各從其  
品。其扇柄及棍均髹以朱。各儀衛出京外得全  
設在。

京師不得用旗纓黃棍。公以下三品官以上得用  
前引二人後從一品官八人。二品六人。三品四  
人。四品二人。五品以下一人。文官三品以上得  
用甘蔗棍二。武官三品以上得用櫻竹棍二。自





一品至九品均得用扇扇各用清漢字書銜若  
進

皇城內大扇棍及前引人均不得入。○直省官文  
官總督旗八飛虎旗黃繖扇兵拳鷹翎刀獸劔  
黃棍桐棍槩各二槍四迴避牌二肅靜牌二巡  
撫槍二減飛虎旗兵拳鷹翎刀餘視總督布政  
使按察使旗六減獸劔桐棍槍餘視巡撫道知  
府旗四黃繖扇各一桐棍槩迴避肅靜牌各二  
府倅知州知縣藍繖一減迴避牌餘視知府縣  
佐藍繖一桐棍二學官藍繖一雜職竹板二總

督河道漕運視總督學政鹽政織造三品以上  
視巡撫四品以下視兩司。○武官提督刑杖二  
減桐棍槩棍餘視總督總兵官槍二大刀二減  
兵拳鷹翎刀刑杖餘視提督副將旗六黃繖一  
扇二黃棍迴避肅靜牌各二叅將游擊都司旗  
四扇一桐棍二餘視副將守備減牌餘視都司  
駐防將軍視內都統副都統以下官均與京官  
同。

凡輿馬王公乘明輪親王世子郡王貝勒輿夫  
八人貝子公四人暖轎親王金黃蓋金黃幃紅



幃世子紅蓋金黃幃紅幃郡王紅蓋紅幃紅幃  
貝勒紅蓋青幃紅幃貝子紅蓋紅幃青幃鎮國  
公皂蓋紅幃皂幃輔國公青蓋紅幃青幃均用  
銀頂馬疆親王世子郡王用金黃貝勒貝子用  
紫公用青公主親王世子郡王福晉用金黃長  
子貝勒貝子夫人用紫○公主以下縣主以上  
乘轎及車郡君以下乘車幃蓋幃均用緞固倫  
公主金黃蓋四角緣紅和碩公主紅蓋四角緣  
金黃均紅幃金黃幃郡主紅幃蓋角緣皂縣主  
青幃蓋角緣青均紅蓋紅幃郡君青幃紅蓋四

角緣青縣君皂幃皂蓋四角緣紅均紅幃鎮國  
公女鄉君皂蓋四角緣青皂幃紅幃輔國公女  
青幃蓋去緣飾餘視鎮國公女王福晉以下貝  
勒夫人以上乘轎及車貝子夫人以下乘車郡  
王長子福晉以上得用朱轆奉國將軍淑人以  
上均得用朱輪幃蓋幃均用緞鎮國將軍夫人  
以下緞用素親王福晉金黃幃世子福晉紅幃  
郡王福晉皂幃均紅蓋紅幃蓋角緣皂貝勒夫  
人蓋角緣皂皂幃貝子夫人蓋角緣青青幃均  
紅蓋紅幃鎮國公夫人蓋角緣紅輔國公夫人



蓋角緣青。均皂蓋。皂幃。紅幃。王以下。公以上。各側室。均降適一等。鎮國將軍。一品夫人。皂蓋。輔國將軍。夫人。青蓋。均青幃。紅幃。奉國將軍。淑人。幃。蓋。幃。均用皂。奉恩將軍。恭人。如之。閑散。宗室。青幃。餘亦如之。○京官。滿洲。文武。均乘馬。一品文官。年老。疾病。不能乘馬者。許乘轎。漢人。文官。乘轎。三品以上。頂用銀。幃。蓋。用皂。在京。昇夫。四。出京。昇夫。八。四品以下。頂用錫。昇夫。二。出京。四。○直省。文官。乘轎。督撫。昇夫。八。司道。以下。教職。以上。昇夫。四。雜職。乘馬。餘。同京官。總督。河道。漕

欽差官三品以上視巡撫四品以下視兩司武官將

軍副都統提督總兵官視督撫副將視兩司協領叅游以下均乘馬文三品武二品官以上用引馬文武四品官以上馬繫繫纓○各品官命婦乘車輪轅均用黑色民公夫人蓋角緣皂侯伯夫人蓋角緣青均緣蓋皂幃綠幃子一品夫人皂蓋四角緣綠餘視伯男夫人去緣飾餘視子品官命婦一品視子二品視男三品皂幃餘視二品四品青幃餘視三品五品以下均青蓋







先退賓離席一叩辭主人答興降階送賓出執事官送賓於大門外外藩郡王見親王主人出殿迎不降階賓升主人導賓入賓二跪六叩主人跪答禮半賓辭退離席跪一叩主人跪受如初興導賓出送於殿外餘如外藩親王禮外藩貝勒見親王賓由殿右門入主人出坐迎賓北面行三跪六叩禮主人立受即席正坐賓侍坐辭退賓離席跪一叩餘如外藩郡王禮外藩貝子公見親王府屬官引賓入殿二跪六叩主人坐受辭退賓離席跪一叩從官趨階下跪一叩

典隨賓出餘如外藩貝勒禮○外藩親王見郡王主人迎送於大門內見畢辭退賓主各就坐一叩餘儀及外藩郡王見郡王均如內外親王相見禮外藩貝勒見郡王如外藩郡王見親王禮外藩貝子公見郡王如外藩貝勒見親王禮○外藩親王見貝勒主人迎於大門外賓入主人從賓主各一跪三叩從官亦一跪三叩辭退主人送於大門外外藩郡王見貝勒賓主一跪三叩餘均如外藩親王見郡王禮外藩貝勒見貝勒賓主一跪三叩餘如內外郡王相見禮外



藩貝子。公見貝勒。賓一跪三叩。主人跪拱手受。餘如外藩。貝勒見郡王禮。○外藩王。貝勒見貝子。賓主一跪一叩。坐從官一跪一叩。辭退。從官跪叩如初。主人均拱手受。送於大門外。候乘馬。迺退。餘如外藩親王見貝勒禮。外藩貝子。公見貝子。如內外貝勒相見禮。○外藩王。貝勒見宗室公。如外藩王。貝勒見貝子禮。外藩貝子。見宗室公主。主人迎送於大門外。餘如外藩郡王見貝勒禮。外藩公。見宗室公。如內外貝子相見禮。凡在京王公。途遇之禮。親王出。郡王讓道。貝勒

儀衛引避。讓道旁行。貝子。鎮國公勒馬鞠躬立道旁。候過。輔國公。固倫額駙。和碩公主額駙。鎮國將軍。民公。侯。伯。內大臣。都統。尚書。勒馬立道旁。候過。二品官以下。皆下馬。貝子出。鎮國公。固倫額駙。和碩公主額駙。分道行。輔國公。鎮國將軍。民公。侯。伯。子。內大臣。都統。尚書。讓道旁行。輔國將軍。男。副都統。侍郎。及叅領等官。勒馬立道旁。



候過。佐領等官以下皆下馬。鎮國公出。輔國公、鎮國將軍、民公、都統、尚書、分道行。輔國將軍、副都統、侍郎及叅領等官勒馬立道旁候過。佐領等官以下皆下馬。輔國公出。鎮國將軍、都統、尚書分道行。輔國將軍、副都統、侍郎等官讓道旁行。奉國將軍、叅領、佐領等官勒馬立道旁候過。護軍校、驍騎校等官及軍民人等皆下馬。鎮國將軍出。輔國將軍、副都統、侍郎分道行。奉國將軍、叅領、佐領等官勒馬立道旁候過。護軍校、驍騎校等官及軍民人等皆下馬。輔國將軍出。奉

國將軍、叅領等官讓道旁行。佐領等官勒馬候過。護軍校、驍騎校等官及軍民人等皆下馬。奉國將軍出。佐領等官讓道。護軍校、驍騎校等官及軍民人等皆勒馬候過。

凡王、貝勒、府、慶賀之禮。親王、郡王、生辰及元日。本府屬員謁賀。行三跪六叩禮。貝勒、生辰及元日。所屬行一跪三叩禮。

凡京朝官敵體相見之禮。賓至門。主人迎於大門內。賓降輿入。主人揖賓入及階。讓於賓。賓西主人東。升至聽事。賓主皆北面再拜。輿主人趨



正賓坐。東嚮。賓禮辭。主人固請。卒正坐。左還。賓正主人坐。西嚮。如賓禮。賓就坐。揖。執事者獻茶。賓受茶。揖。主人均答揖。賓起告辭。揖。主人答揖。賓降階。主人降送。及門。賓揖。主人答揖。賓禮辭。主人固請送賓於大門外。賓升輿。主人揖送。賓降一品者。主人趨正賓坐。賓辭。賓還正主人坐。辭如之。餘儀同。二品以下京堂官至翰詹科道。見大學士。主人迎於儀門內。送於大門外。不視。賓升輿。餘儀同。五品至七品官。見大學士。賓至大門外。降輿入。主人迎於堂階下。賓由階東升。

主人導賓入賓北面拜。主人辭。賓三揖。主人東面答揖。賓趨正主人坐。主人禮辭。固請卒正坐。左還。告坐。揖。主人答揖。賓西面。主人東北面坐。若旅見。則賓以次西面坐。北上。茶至。賓起受茶。揖。主人答揖。坐飲。故事畢。辭退。三揖如初。出。主人送於二門外。科道。見左都御史。左副都御史。各部尚書。如京堂官。見大學士。儀。翰詹。科道。見二三品官。如賓降一品禮。見四品官。如同官禮。凡京朝官塗遇之禮。固倫額駙出。鎮國公。和碩公主。額駙。分道行。輔國公。鎮國將軍。民公。侯。伯。



都統尚書讓道旁行。輔國將軍副都統侍郎及  
 叅領等官。勒馬候過。佐領等官以下。皆下馬。民  
 公侯伯和碩公主額駙。郡主額駙。出都統子尚  
 書分道行。副都統侍郎等官讓道旁行。叅領郎  
 中。佐領員外郎雲騎尉主事等官勒馬候過。護  
 軍校驍騎校等官及軍民人等。皆下馬。內大臣  
 都統子尚書縣主額駙。副都統侍郎等官讓  
 道旁行。叅領以下。與遇民公侯伯同。前鋒護軍  
 步軍統領副都統侍郎男。郡君額駙。出叅領郎  
 中等官讓道旁行。佐領以下。與遇都統同一等

侍衛護衛叅領輕車都尉郎中縣君額駙。出佐  
 領員外郎雲騎尉主事等官讓道旁行。護軍校  
 驍騎校等官及軍民人等。皆勒馬候過。一等侍  
 衛騎都尉佐領員外郎鄉君額駙雲騎尉主事  
 等官出。護軍校驍騎校等官及軍民人等。皆讓  
 道行。

凡屬官見長官之禮。初見屬官公服詣署。首領  
 官引自東階升堂。具銜名履歷呈於各長官坐  
 案。屬官以次各嚮上三揖。長官咸避席答揖。退  
 若燕見於私宅。如五品官見大學士儀。



凡國學生見國子師之禮。初見弟子公服詣學  
首領官引自東階升堂北而三揖。侍立於左。西  
而受教畢。三揖如初。退若燕見於私宅。入門通  
名。俟召。師迎於階上。弟子升階揖。俟師入門。從  
人北而再拜。師西而答揖。遂趨正師坐畢。左還  
命坐。北而揖。弟子西而。師東北面坐。若旅見。弟  
子均西而北上。茶至起受茶。揖坐。飲受教畢。辭  
退。三揖。師咸答禮。送至二門。師前行。弟子從。俟  
師入。三揖。迺退。翰林院庶吉士見大學士。暨教  
習庶吉士。亦知之。

凡直省文武官敵體相見之禮。賓乘輿至署門  
吏稟白。啓門。儀衛止門外。賓由中門入。至堂檐  
下降輿。主人出迎於檐前。揖入賓退。送於初迎  
處。視賓升輿退。餘與京官同品相見儀同。○文  
職屬官見長官之禮。司道初見督撫。具銜名履  
歷。公服詣署。大門外降輿。入自左門。長官迎於  
堂後屏內。先行。屬官從至聽事。稟庭參。長官辭。  
三揖。命坐。揖。長官正坐。屬官西面坐。若旅見。則  
東西面。均北上。受茶。揖。辭出。三揖。每揖。長官咸  
答揖。送至屏門外。屬官北面三揖。長官西面答



畢先入。屬官復三揖趨出。至大門外升輿退。若燕見常服。通銜名。不稟參。餘儀同。知府直隸州知州見督撫。行。庭參禮。稟拜見。免。三揖。長官不迎送。餘與司道同。府倅見督撫。轅門外降輿。餘與知府同。州縣教職直隸州佐貳官見督撫。轅門外降輿入。北面再拜興。三揖。告辭。三揖。長官皆立受。不答揖。餘與府倅同。首領佐雜官進見。行一跪三叩禮。不揖不坐。知府直隸州知州府倅見司道。司迎送於屏門外。道於堂檐下。坐。次屬官西面。長官東北面。餘與見督撫同。州縣教

職直隸州佐貳官見司道。長官不迎送。餘與知府同。首領佐雜官見司道。與見督撫同。州縣教職見知府。迎送於屏門外。餘與見司道同。首領佐雜官見知府。與見司道同。州縣教職見府倅。迎送於堂檐下。餘與見知府同。府首領縣佐貳官見府倅。與州縣見司道同。雜職官見府倅。與見知府同。直隸州屬知縣教職及雜職官見知州。與見知府同。雜職官見州縣。與州縣官見知府同。見直隸州同州判。與見知縣同。○武職屬官見長官之禮。副將初見提督。具銜名履歷。披



執佩刀。至轅門外下馬。門吏稟白。傳命免披執。易補服。由左門入。至聽事。北面稟庭。叅長官辭。三揖。長官西面答揖。正坐。屬官西面坐。茶畢。辭退。三揖如初。長官送至檐下。退。若燕見常服。通銜名。餘儀同。叅將游擊見提督。北面跪三叩。興三揖。坐。辭退。揖如初。長官起立於位。答揖。出不送。餘與副將同。都司守備初見提督。披執。長官正坐。屬官入。北面跪。自宣銜名。三叩。興西面席地。跪坐。不設茶。辭退。三叩如初。趨出。長官不起立。若燕見常服。不宣銜名。餘均與游擊同。于總

把總見提督。不坐。餘與守備同。副將見本鎮總兵官。長官迎送於堂後屏內。坐次。長官東北面。屬官西面。屬官揖。長官平立答揖。餘與見提督同。叅將游擊見總兵官。坐次。長官正坐。屬官西面坐。屬官揖。長官西面答揖。出不送。餘與副將同。若非本鎮所轄。儀與副將見提督同。都司以下官見總兵官。皆與見提督同。游擊見本協副將。茶畢。辭退。長官離坐送。餘與見總兵官同。都司守備初見副將。三叩。長官起立。告辭。不揖。不送。餘與叅游同。燕見三揖。長官答揖。餘儀同。非



本協所轄。與叅游同。千總以下官進見。與見總  
兵官同。都司守備。初見本管叅將游擊。稟庭叅  
長官辭。三揖。長官西面答揖。告退。長官離坐送  
餘與見副將同。燕見三揖。告辭。揖如初。長官咸  
答揖。餘儀同。非本管者。迎送於大堂後屏內。餘  
儀同。千總以下官見叅游。與見副將同。千總初  
見都司守備。與守備見叅游同。燕見一揖。告辭  
不揖。餘儀同。把總初見都司守備三叩。長官答  
揖。告辭。起立不送。餘與千總同。○文武官相見  
之禮。提督見總督。三揖。總督正坐。提督隅坐。若

提督帶一品世爵者。總督西面。提督東面。餘與  
敬體相見同。總兵官見總督。與司道同。副將見  
總督。初見披執燕見常服佩刀。均北面跪三叩  
興。西面立。茶畢。北面三揖退。見巡撫與知府同  
叅將以下。見督撫。均侍立不坐。餘與守備見提  
督同。千把總見司道。如之。司道見提督。與提督  
見總督同。知府同知。通判見提督。總兵官。與司  
道見提督同。州縣見提督。具銜名。由左門入。提  
督迎於階下。至聽事。三揖就坐。提督正坐。州縣  
西面坐。茶畢辭出。三揖如初。提督送至堂後屏



門外揖退。見總兵官儀同。八九品以下佐雜官見提督。總兵官與見督撫同。餘官相見均如敵體儀。○河道漕運各總督與直省官相見之禮與督撫同。學政與督撫相見用敵體儀。司道見學政具銜名。儀門外降輿。學政迎送於堂檐下。餘與敵體儀同。知府直隸州府同知通判見學政不稟。送至堂後屏門外。餘與見督撫同。州縣見學政初見延。參常見三揖。學政咸避席答揖。送至堂後屏門內。餘與見督撫同。教職見學政初見再拜。常見三揖。學政皆起立拱手。餘與

州縣同。首領佐雜官見學政與見督撫同。若學政官三品以上者。司道以下官進見均與督撫同。鹽政及

欽差官與各官相見均與學政同。運使鹽道見鹽政與司道見督撫同。運同運判見鹽政與知府見督撫同。科目出身鹽大使見鹽政與知縣見督撫同。○滿漢官相見之禮。自司道以下官見將軍與見總督同。見副都統與見總兵官同。協領參領見督撫與司道同。佐領防禦見督撫與知府同。驍騎校以下官見督撫與州縣同。餘官相





見皆如敵體儀。○直省學校生員見師長之禮。學政蒞任後講學於明倫堂。教職引本學生員謁見。咸公服重行。北面再拜。學政拱立於位。歲科試畢。生員列一二等者。咸公服詣試院。升堂三揖。閱卷畢。三揖退。餘儀如之。見本學學師與國學生見國子師同。

凡順天府屬官見長官之禮。治中通判見府尹。與直省司道見督撫同。見府丞。與直省司道見學政同。所屬州縣教職見府尹。與直省州縣教職見督撫同。見府丞。與見司道同。見治中通判。與見府倅同。經歷以下官見尹丞。治中通判與直省首領官見知府府倅同。奉天府屬知府見府尹。如直省知府見督撫。見府丞。如直省知府見學政。餘均與順天府同。府州縣見盛京五部侍郎。與府尹同。

凡士相見之禮。賓造門。主人出迎於大門外。揖賓。賓入。及門及階。皆揖如初。賓西。主人東升。賓再拜。主人答再拜。興。主人趨。正賓坐。賓辭。固請。卒正坐。左還。賓正主人坐。亦如之。賓受茶。揖。辭。退揖。主人送賓。及階。及門。賓揖辭。主人皆答揖。



遂送賓於大門外。揖如初迎儀。

凡弟子見受業師。師東嚮坐。弟子北面侍坐。不迎送。餘如國學生見國子師之禮。

凡見有服尊親父之執友之禮。入門通名。命見升階。北面再拜。尊者西面答。揖命坐。揖視尊者。坐所嚮旁侍坐。茶至。揖。辭退。三揖。尊者皆答。揖出。不送。若尊長來見。迎送於大門外。餘如前儀。

欽定大清會典卷之三十五

禮部

儀制清吏司

軍禮

親征

凡

親征之禮。

皇帝將有討於外庭者。既卜日。先期遣官祇告

天、地。



宗廟

社稷

太歲

頒行軍律令。詳見兵部至日遣官致祭

道路之神於

天安門祭

火礮之神於教場。鑾儀衛陳騎駕鹵簿於

午門外。兵部陳八旗蒙古畫角十有六。海螺二百於

堂下街門外。西嚮設

御營黃龍大纛於

堂子內門外。設八旗護軍纛。火器營纛。於

黃龍大纛後。均北嚮。所司豫設

皇帝拜位於

圓殿外甬道正中。及

大纛前。從征王公將士。咸征衣佩刀。不從征之王

公。暨滿一品官。咸采服。至街門內東面。祇候禮

部堂官詣

乾清門奏吉時。

皇帝御征衣。佩刀。出宮乘騎。前引後扈。如常儀。



駕發警蹕。

午門鳴鐘騎駕鹵簿前導。至長安橋。八旗鳴角軍

鳴角。護軍吹螺。

駕入

堂子街門。螺角止。

皇帝降騎。禮部堂官二人恭導。由內門中門入就

園殿外拜位。南嚮立。鴻臚官引王公於丹陛上。眾官於

丹陛下序立。鳴贊官奏跪拜興。

皇帝率羣臣行三跪九拜禮畢。恭導

皇帝就

大蘇前拜位。南嚮立。引王公百官成就拜位。

皇帝率從征將士及羣臣行三跪九拜禮。贊螺角齊

鳴。禮部尚書跪奏禮成。

皇帝屬纓鞵。乘騎。導迎樂作。奏祐平之章。內大臣侍

衛率親軍舉黃龍大纛隨行。

駕由都門出。八旗官軍分翼陳列郭外。

皇帝出郭。三舉鼓。官軍皆馬上俯伏候

駕過。不從征之王公百官咸采服。於郊外跪送。迺啟

行。軍士各整伍。以次扈蹕。每舍遠貨候。設巡警。

詳見兵部如制所過



名山大川及應祀

風雨之神均遣官祇告。○六軍凱旋是日鑾儀衛

陳法駕鹵簿自郊外五里設至

堂子街門外在京王公以下有頂帶官以上咸采服出

鄧五里跪迎於道右。

京城紳士軍民各懸采設香案跪迎。

皇帝由都門入前引後扈如儀法駕鹵簿前導導迎

鼓吹皆作。

駕詣

堂子率從征不從征之王公一品官於

圓殿行三跪九拜禮畢

皇帝回鑾百官於

午門外按翼跪迎王公隨至內金水橋候

駕還宮皆退翼日遣官祇告

天。

地。

宗廟。

社稷致祭

陵寢行飲至禮凡從征將士皆與燕。

策勲行賞各有差擇吉禮部奏請



皇帝御太和殿受羣臣表賀如大朝儀。

頒詔布告天下。直省文武官咸奉表賀。遣官祭隨營

旗纛

火礮之神於都門外教場。分遣各官致祭

嶽鎮海濱。

前代帝王陵寢。

先師闕里。迺告成太學。勒石紀功。以平定方畧。宣付

史館

命將

凡

命將之禮。

皇帝命大將軍統帥軍旅。擇吉出師。先期

臨軒授

勅印。是日。變儀衛陳法駕鹵簿。大將軍率從征諸將

咸采服集

午門外。內閣豫陳

勅印於

太和殿內東旁黃案。

皇帝御殿。王公百官。咸朝服侍班。鴻臚官引大將軍

由左階升。至殿檐下。大學士一人奉



勅一人奉印出授大將軍大將軍跪受轉授內閣官

跪接畢行三跪九叩禮興隨奉

勅印官降左階出

太和門中門

皇帝還宮至日遣官祇告於

奉先殿所司張

黃幄於

長安左門外設

御座

皇帝率大將軍詣

堂子行禮拜

纛均如儀禮畢

御黃幄

陞座

賜大將軍卮酒大將軍跪受飲畢屬纛鞭乘馬文武

大臣承

詔餞於郊設祖帳禮兵二部堂官奉茶大將軍率從

征將上望

闕謝

恩迺率大軍進發既蒞營申明軍令肅隊啟行○大



軍凱旋次於近郊。或

御駕親臨。或

命廷臣迎勞。還京日。

皇帝御太和殿。大將軍由左階升。奉上

勅印。行三跪九叩禮畢。迺

賜大將軍等燕及爵賞有差。遣官以成功祇告

天。

地。

宗廟。

社稷。

陵寢釋奠於

先師。均如儀。王公內外文武百官。咸奉表賀。並勒碑

太學。

命儒臣輯平定方畧。○軍前受降。露布入告。得

旨。迺許成。築壇於營左。南嚮。壇南百步建大旗。降人

匍伏前。大將軍登壇納款。宣

上德意。迺班師。○

命重臣經畧軍務。亦如之。○若卽軍中

命大將軍。以大臣充正副使。齋

勅印往封。將至軍。大將軍率所屬將弁。詣教場。豫設



勅印案香案於聽事正中。正副使至。陳

勅印於案。大將軍詣香案前跪。候宣

勅畢。正使奉

勅。副使奉印。授大將軍。大將軍跪受。轉授左右將弁

跪接。行三跪九叩禮畢。迺奉

勅印。回營視事。

獻俘

凡獻俘之禮。擇日。

皇帝遣官獻俘於

太廟。兵部官率解俘弁兵。以白組繫俘頸。由

長安右門。

天安門右門入。至

太廟街門外。北面立。候遣官至。皆跪。遣官入

廟行禮。復獻俘於

社稷壇。兵部官仍以俘跪候於

社稷街門外。遣官詣

壇行禮畢。兵部官率弁兵解俘出。

受俘

凡受俘之禮。獻俘之次日。

皇帝受俘於

太廟

禮部

八



午門樓先期工部設

御座於

午門樓正中。至日質明。內大臣率侍衛咸采服。立

兩觀翼樓階上。護軍統領率護軍立階下。均佩

刀環衛。武備院張黃蓋於樓檐外。鑾儀衛設丹

陛鹵簿於

闕下。丹墀鹵簿於闕左右門南。金鼓鐃歌於鹵簿

前。樂部和聲署設丹陛大樂於鹵簿之末。內閣

大學士學士翰林院學士都察院左都御史左

副都御史於丹陛鹵簿之左右。王公於丹陛鹵

簿外文武各官於丹墀鹵簿外均按翼東西序

立糾儀御史鴻臚寺官各分班立均與

太和殿大朝禮同兵刑三部尚書侍郎立於右翼

丹墀鹵簿外兵部官率解俘將校押俘立於

右翼金鼓外刑部官立於兵部之次禮部堂官

詣

乾清門請

駕

皇帝御龍袍袞服乘輿出宮

午門鳴鐘前引後扈如常儀



駕至

太和門鳴金鼓奏饒歌。

皇帝陞

午門樓至檐前降輿。

陞座樂止宣

旨大臣二人立於階下鴻臚官贊排班以不行禮引

解俘將校進至

御道西北面立樂作將校行三跪九叩禮畢退立

原位受俘兵部官率將校引俘至金鼓下跪兵

刑二部堂官均趨至

午門前兵部尚書跪奏平定某地所獲俘囚某等

謹獻

闕下宣

旨大臣宣

制曰所獻俘交刑部刑部堂官跪領

旨兵部官引俘出金鼓外交刑部官刑部官械俘出

施行若得

旨赦俘罪宣

制釋縛俘叩首畢將校引由

天安門右門出丹陛大樂作王公百官各就拜位



行三跪九叩禮畢。樂止。禮成。鳴金鼓。奏饒歌。  
皇帝乘輿還宮。王以下各官皆退。是日  
賜解俸弁兵銀幣有差。

欽定大清會典卷之三十六

禮部

祠祭清吏司

吉禮

祭統

凡祭三等

圓丘

方澤

祈穀

雩祀



太廟

社稷為大祀

日

月

前代帝王

先師孔子

先農

先蠶

天神

地祇

太歲為中祀。

先醫等廟。

賢良

昭忠等祀為羣祀

凡大祀

天

地

太廟

社稷。

皇帝親行禮。

次正天清會典

卷之三十一 禮部



太廟後殿遣官行禮。

天  
地從壇。

太廟兩廡均遣官分獻甲丙戊庚壬年。

親朝

日丑辰未戌年。

親夕

月從壇遣官分獻餘年均遣官致祭每歲

耕藉

親饗

先農。

特行崇典則

親饗

前代帝王

先師孔子餘均遣官致祭。

凡齋戒大祀三日中祀二日。

南  
北郊祀。

皇帝於大內齋宮致齋二日壇內

齋宮致齋一日。

禮部

禮部

三



頒勅羣臣誓戒百執事。恭書於版。王公陳設於府第。文武官陳設於公署。各致齋二日。隨壇齋宿一日。饗。

太廟祭

社稷。

皇帝於大內致齋。王公於府第。文武官於公署。各致齋朝。

日夕

月饗

前代帝王

先師

先農

皇帝於大內致齋。王公百官均於私第致齋。○齋戒之日。不理刑名。不燕會。不聽樂。不入內寢。不問疾弔喪。不飲酒茹葷。不祭神。不掃墓。有疾。有服者。皆弗與。○

皇后親饗

先蠶致齋二日。陪祀

妃

嬪。公主。福晉以下。文三品。武二品。命婦以上。皆齋。



如遣

妃恭代。公主。福晉。命婦。致齋亦如之。

凡

郊壇

齋宿

皇帝祀

南郊。乘玉輦。設大駕鹵簿祭。

北郊。乘金輦。設法駕鹵簿前祀。一日詣

壇先至。

皇穹宇。

皇乾殿。公。以。香。次。

皇祇室。上香。次。

視

壇位。次。

闕籩豆牲牢。迺。

御齋宮。是夜嚴更宿衛警蹕環巡。

凡祀期。通制前一日各祭二所。既。

園丘。以冬日至。滿吉。以土。以夏。以。以。以。以。

方澤。以夏日至。朝。

日。以春分。夕。以。以。以。以。



月以秋分孟春祈穀以辛龍見而

太廟時饗孟春諏吉以上旬夏秋冬均以孟月朔季冬

大禘以歲除前一日春秋二仲祈報

社稷以戊釋奠於

先師以下仲春饗

先農以亥遇天寒用季春季春饗

先蠶以巳仲春仲冬饗

先醫以甲祭

太歲於每歲終始孟春以上旬諏吉季冬以歲除前

一日春秋饗

前代帝王廟

賢良祠

昭忠祠及羣祀皆卜吉祭日均質明行事惟朝

日以卯時

月以酉時

凡玉六等以蒼璧祀

天黃琮祭

地黃珪祭

社青珪祭

禮部



稷赤璧祀

日白璧祀

月

凡帛七等。郊祀制帛以祀

天

地告祀制帛以

祈以

雩以昭告於

天

地奉先制帛以饗

太廟禮神制帛以祭

社稷祀

日月

神祇饗

前代帝王

先師

先農

先蠶

先醫展親制帛以饗宗藩報功制帛以饗功臣素帛

徧於羣祀其色各以類從。



凡牲四等

天

地用犢

配位同

從位

日月用特餘均太牢

宗廟太牢配饗東廡太牢西廡少牢

社稷太牢配位同

日月

神祇均太牢

月壇配位同

前代帝王

先師

先農

先蠶

太歲

先醫之祀如之配位少牢羣祀如之牛色尚黝大祀

入滌九旬中祀三旬羣祀一旬

凡樂四等九奏以祀

天八奏以祭



地。六奏以饗

太廟。七奏以祭

社稷朝

日饗

先農如之。六奏以夕

月饗

前代帝王

先師

先蠶祀

神祇

太歲如之

凡祝版祀

天。青質朱書祭

地。黃質墨書饗

太廟祭

社稷。白質墨書朝

日。赤質朱書夕

月。白質墨書

太歲以下。均白質墨書

凡祭器



天

地匏爵。籩竹絲純裏。梟以漆。豆登簠簋犧尊。皆用陶。

太廟玉爵。籩竹絲畫裏。登用陶。飾以文采。豆與簠簋皆

木。髹漆飾以玉。銅匏銅為之。飾以金。春用犧尊。

夏象尊。秋著尊。冬壺尊。大祫山尊。皆範銅為之。

社稷玉爵。

配位用陶。

日

月

先農

先蠶陶爵。豆登簠簋銅尊同。

前代帝王。

先師及諸人鬼之祭。豆登銅簠簋尊。爵皆範銅不飾。

籩用竹。俎用木。皆髹以漆。

凡祭物登實以大羹。銅實以和羹。簠實以黍。稷

簋實以稻。梁。籩實以形鹽。藁魚。棗。栗。榛。麥。芡。鹿

脯。白餅。黑餅。粢。餌。粉。饗。豆實以韭菹。醢。醢。菁。菹。

鹿。醢。芹。菹。兔。醢。芻。菹。魚。醢。脾。析。豚。拍。醢。食。糝。食。

凡祭服。

皇帝有事於

次三

禮部

十



郊

廟皆御祭服。祀

天。青色祭

地。黃色朝

日。赤色夕

月。玉色。餘祭均黃色。陪祀王公百官。咸朝服。凡閱視版香帛。

南郊

御太和殿。

北郊

太廟

社稷

日

月

前代帝王

先師

先農均

御中和殿。如遇忌辰。

天

地



太廟祝版仍

躬閱

社稷等祀均太常寺官由內閣恭奉至祭所安設遣

官恭代及羣祀亦如之

凡視牲大祀

天

地前五日遣官恭代視牲前二日遣禮部尚書一人省

牲饗

太廟祭

社稷前三日朝

日夕

月饗

前代帝王

先師

先農

先蠶前二日均禮部尚書一人省牲

凡省齋展器祀日漏未盡禮部侍郎一人率屬

視太常寺官展祭器陳祭物迺省盞盛及登釧

籩豆之實

凡封牲大祀中祀前一日光祿寺卿禮部都察



院太常寺官具朝服監視并瘞毛血羣祀太常寺官監視。

凡陪祀。

皇帝大祀

郊壇自王公至文職五品員外郎武職四品佐領騎都尉以上外任官來京文職四品武職三品以上。

太廟祭

社稷至文職五品科道郎中武職三品冠軍使參領輕車都尉以上咸齋戒陪祀若遣官行禮王公

內大臣侍衛不與自大學士以下文武各官咸

陪祀如儀

凡恭請

神位。

郊壇於

齋宮鳴鐘時各

壇

廟於

皇帝降輿時均禮部尚書率太常寺官恭奉

神位安於祭所禮成而復。



太廟以王公二人。率宗室覺羅官將事。

凡執事。

皇帝親祀。

壇

廟贊引用太常寺卿二人。奉福胙用光祿寺卿二人。接

福胙用侍衛二人。奠帛獻爵各

壇廟均用太常寺官

太廟

前殿用宗室官。

後殿用覺羅官。

南

北郊奠帛六人。獻爵六人。

太廟時饗奠帛五人。獻爵十有五人。

後殿奠帛四人。獻爵八人。祫祭奠帛九人。獻爵二十有

三人。

社稷壇奠帛獻爵各四人。

日壇奠帛獻爵各一人。

月壇奠帛獻爵各二人。

前代帝王廟奠帛獻爵各三人

先師



先農均奠帛獻爵各一人

凡侍儀

皇帝親行禮禮部尚書侍郎二人西面都察院左都

御史左副都御史二人東面王公拜位御史二

人禮部官二人百官拜位御史四人禮部官二

人均東西面凡陪祭執事有違誤失儀者劾之

凡告祭國有大事祇告

天  
地  
宗廟

社稷遇

慶典遣官致祭

陵寢及

五嶽

五鎮

四海

四瀆

前代帝王陵寢

先師闕里

皇帝巡狩所至



親祭方岳

命所在地方官徧祭

嶽。鎮。海。濱。所。過。名。山。大。川。

帝王陵寢

先聖祠墓或

視祭或遣官致祭亦如之

禮部會典

